

箇喚作什麼大德云朝天帽師云恁麼即老僧不卸也

師又問所習何業云唯識師云作麼生說云三界唯心萬法唯識師指門扇云這箇是什麼云是色法師云簾前賜紫對御談經何得不持五戒僧無對

○僧問某甲乍入叢林乞師指示師云你不解問云和尚作麼生師云放汝三十棒自領出去

○問教意請師提綱師云但問將來與你道云請和尚道師云佛殿裏燒香三門外合掌

○問如何是展演之言師云量才授職云如何得不落展演師云伏惟尚享

○師喚焦山近前來又呼童子取斧來童子取斧至云未有繩墨且斫麓師唱之又喚童子云作麼生是你斧頭童子遂作斫勢師云斫你老爺頭不得

○問如何是放一線道師云量才補職

又問如何是不放一線道師云伏惟尚享

○新到僧參師云汝是新到否云是師云且放下葛藤會麼云不會師云檐枷陳狀且領出去僧便出師云来来我實問汝什麼處來云江西師云泐潭和尚在你背後怕你亂道見麼僧無對

○問寺門前金剛托即乾坤大地不托即絲髮不逢時如何師云咩咩我不曾見此

○問先跳三千倒退八百你合作麼生僧云諾

師云先責一紙罪狀好便打其僧擬出師曰來我共你葛藤托即乾坤大地你且道洞庭湖裏水深多少云不曾量度師云洞庭湖又作麼生云只為今時師云只這葛藤尚不會乃打之

○又問如何是觸途無滯底句師云我不憊麼道云師作麼生道師云箭過西天十萬里却向大唐國裏等候

○有僧扣門師云作麼生云亡事未明乞師指

示師云這裏只有棒方開門其僧擬問師便
捆其僧口

○問以字不成八字不是是何章句師彈指一
下云會麼云不會師云上來表讚無限勝因
蝦蟆跳上梵天蚯蚓走過東海

○西峯長老來參師致茶果命之令坐問云長
老今夏在什麼處安居云蘭溪師云有多少
徒衆云七十來人師云時中將何示徒長老
拈拄子呈云已了師着什麼死急

○有僧新到方禮拜師叱云蘭梨因何偷常住
果子喫云學人纔到和尚為什麼道偷果子
師云賊物見在師問近離什麼處云仰山師
云五戒也不持云某甲什麼處是妄語師云
這裏不着沙彌

杭州千須山楚南禪師

閩人姓張自髮亂投開元寺曇謁禪師出家
迨乎冠歲落髮詣五臺具成就趙郡學相部
律性上都聽淨名經既精研法義而未了玄

機遂謁芙蓉芙蓉見曰吾非汝師汝師江外黃蘗是也師禮辭而叅黃蘗黃蘗垂問云子未現三界影像時如何師云即今豈是有耶蘗云有無且置即今如何師云非今古吾之法眼已在汝躬

○師乃入室執中侍盥晨晡請益尋值唐武宗廢教師遂深窠林谷洎大中初相國裴公休出撫宛陵請黃蘗和尚出山師隨出由此抵姑蘇報恩寺精修禪定僅二十餘載足不踰

闕俄為郡守請住寶林院未幾復請居支那山又住千須慈雲院振黃蘗玄風

○一日師上堂云諸子設使解得三世佛教如餅注水及得百千三昧不如一念修無漏道免被人天因果繫絆

○時有僧問無漏道如何修師云未有闍梨時體取云未有某甲時誰人體師云體者亦無○問如何是易師云着衣喫飯不用讀經看教不用行道禮拜燒身煉頂豈不易耶云此既

是易如何是難師云微有念生便具五陰三界輪迴生死皆從汝一念生所以佛教諸菩薩云佛所護念

○師雖應機無倦而常儼然處定或逾月或浹旬不出定

○光啓三年錢王請下山供養

○昭宗聞其道化就賜紫衣

○文德六年五月辭衆奄然而逝壽七十六臘五十六遷塔于院西隅大順二年壬子二月

宣州孫儒寇錢塘兵士發塔觀全身不散爪髮俱長謝罪懺悔而去

○師平昔著般若經品頌偈 卷破邪論一卷 見行于世

福州烏石山靈觀禪師

住本州薛老峯亦云丁墓山時稱老觀和尚尋常高戶人罕見之唯一信士每至食時送

供方開

一日雪峯伺便扣門師出開門雪峯慕胸搗

住云是凡是聖師唾云這野狐精便推出閉却門峯云也只要識老兄

○師因剗草次問僧汝何處去云西院禮拜安和尚去

○時竹上有一青蛇子師指蛇云欲識西院老野狐精只這便是

○師一日問西院安和尚此一片地堪着什麼物安云好着箇無相佛師云好片地被兄放不淨

師一日引水次有僧來參師以引水橫抽示之其僧便去師至暮問小師適來僧在何處小師云發去也師云只得一撇玄覺云什處處是少一撇

○問如何是佛師出舌示之其僧禮謝師云住住你見什麼便禮拜云謝和尚慈悲出舌相示師云老漢近日舌上生瘡

○有僧到敲門行者開門後便出去其僧入禮拜問如何是西來意師云適來出去者是什

麼人僧擬近前師便托開閉却門

○曹山問如何是毗盧師法身主師云我若向你道即別有也曹山舉似洞山洞山云好箇話頭只欠進語何不更去問為什麼不道曹山乃却來進前語師云若言我不道即啞却我口若言我道即謬却我舌曹山歸舉似洞山洞山深肯之

杭州羅漢院宗徹禪師

湖州吳興人吳氏幼歲出家依年受具遊方

參禮依黃蘗希運禪師法席黃蘗一見便深器之入室領旨

後至杭州州牧劉彥慕其道立精舍於府百號羅漢院化徒三百

師有時上堂僧問如何是西來意師云骨對也師對機多用屯語故時人號骨對和尚

○問如何是南宗杜宗師云心為宗僧云還着教也無師云教是心

問性地多昏如何了悟師云煩雲風卷大虛

廓清云如何得明去師云

一輪皎潔萬里騰光

○師後示疾遷化門人塔于院之北隅

○梁貞明五年錢王廣其院為安國羅漢寺移

師塔于大慈山塢今寺與塔並存

魏府大覺禪師

興化存獎禪師為院宰時師一日問云我嘗聞汝道向南行一迴拄杖頭未曾撥著箇金佛法底人汝憑什麼道理有此語興化乃喝

師打之興化又喝師又打

來日興化從法堂過師召云院主我直下疑汝昨日行底喝與我說來興化云存獎平生於三聖處學得底盡被和尚折倒了也願與存獎箇安樂法門師云這瞎驢却却袖帔待痛決一頓興化即於言下領旨雖同臨濟而常以師為助發之友

○師臨終時謂眾云我有一隻箭要付與人時有一僧出云請和尚箭師云汝喚什麼作箭

僧喝師打數下自歸方丈却喚其僧入來問
云汝適來會麼云不會師又打數下擲却拄
杖云已後遇明眼人分明舉似便乃告寂
丞相裴休字公美

河東聞喜人也守新安日屬蓮禪師出家後
初於黃蘗山捨衆入大安精舍混迹勞侶掃
洒殿堂公入寺燒香主事祇接因觀壁畫乃
問是何圖相主事對曰高僧真儀公曰真儀
可觀高僧何在僧皆無對公曰此間有禪人

否云近有一僧投寺執役頗似禪者公曰可
請來詢問得否於是遽尋蓮師公觀之欣然
云休適有一問諸德各辭今請上人代辭一
語師云請相公垂問公即舉前問師朗聲云
裴休公應諾師云在什麼處公當下知音如
獲髻珠云吾師真知識也示人尅的若是無
汨沒於此乎寺衆愕然自此延入府署留之
供奉執弟子之禮屢辭不已復堅請住黃蘗
山存興祖教有暇即躬入山頂謁或謁問云

論即請師入州公既通徹祖心復博綜教相
諸方禪學咸謂裴相不浪出黃蘗之門也至
○遷鎮宣城還思瞻禮亦創精藍迎請居之
圭峯該通禪講為裴之所重未若歸心於黃
蘗而傾竭報膺者也

○又撰圭峯碑云休與師於法為昆仲於義為
交友於恩為善知識於教為內外護斯可見
矣仍集黃蘗語要親書序引冠於編首留鎮
山門又親書大藏經五百函號迄今寶之

又圭峯禪師著禪源諸詮原人論及圖竟經
疏注法界觀公皆為之叙

○公父肅字中明任越州觀察使應三百年
記重建龍興寺大佛殿自撰碑銘先是越州
沙門曇彥身長五尺眉垂數寸與檀越許詢
字玄度同造磚木大塔二所彥有神異天降
相輪能駐日倍工復從地引其膊至塔頂塔
未就詢亡彥師壽長可百二十餘歲猶待得
詢後身為岳陽王來撫越州蓋願力也彥預

告門人曰許玄度來也弟子咸謂師老耄言
無準的許玄度死已三十餘載何云更來也
時岳陽王早承謫公密示才到州便入寺尋
訪彥師出門佇望遙見乃召曰許玄度來何
暮昔日浮屠今如故王曰弟子姓蕭名譽師
何以許玄度呼之彥曰未達宿命焉得知之
遂握手命入室席地彥以三昧力加被至覺
悟前身造塔之事宛若今日由是二塔並皆
壯麗時龍興寺大殿墮壞衆請彥師重修彥

曰非貧道緣力也却後三百年有緋衣功德
主來興此殿大作佛事寺衆刻石記之及期
裴太守赴任與隱三寶額施俸錢修成大殿
方曉彥師懸記無惑公遂爲志內與隱入法
會有發願文傳於世

前袁州仰山慧寂禪師法嗣

仰山西塔光穆禪師 第二世住

僧問如何是正聞師云不從耳入三傳靈
師云還聞麼

○問祖意與教意同別師云同別且置汝道耕
甯裏什麼物出來入去

○問如何是頓師作圓相示之云如何是法
以手空中撥三下

晉州霍山景通禪師

初參仰山仰山閉目坐師云如是如是西
二十八祖亦如是中華六祖亦如是和尚亦
如是景通亦如是語訖向石邊翹一足立
仰山起來打四藤杖師因此自稱集靈臺下

四藤條天下大禪佛 歸宗下亦有大禪佛
智通終於玉臺

○後住霍山有行者問如何是佛法大意師乃
禮拜行者云和尚為什麼禮拜俗人師云汝
不見尊重弟子

師問什麼處來僧提起坐具師云龍頭處
僧問如何是佛師打之僧亦打師師云汝打
我有道理我打汝無道理僧無對師乃打赴
師化緣將了先備柴於郊野徧辭檀信食訖

行至新所謂弟子曰日午當來報至日午師
自執燭登稽薪上以笠置頂後作圓光相手
執拄杖作降魔杵勢立終於紅燄中

杭州文喜禪師

嘉禾御兒人也朱氏七歲出家唐開成二年
趙郡具戒初習四分律屬會昌廢教返服舊
晦大中初例重懺度於鹽官齊奉寺
後謁大慈山性空禪師性空三子何不偏參
諸山乎

○咸通三年至洪州觀音院見仰山言下頓了
心契

仰山令典常住一日有異僧就求齋食師減
已分饋之仰山預知問云適來果位人汝給
食否答云輟已迴施仰山云汝夫利益七年
旋浙右止千頃山築室而居會集冠之亂避
地湖州住仁王院光啓三年錢王請住龍泉
廨署令慈光院

○僧問如何是涅槃相師云香煙盡處驗

○問如何是佛法大意師云喚院主來這師僧
患顛

○問如何是自己師默然僧因措再問師云
青天蒙昧不向月邊飛

○大順元年錢王表薦賜紫衣

乾寧四年又奏師號無著

光化三年示疾十月二十七日夜子時告衆
曰三界心盡即是涅槃言訖跏趺而終壽八
十臘六十終時方丈發白光竹樹同色十一

月二十二日遷塔靈隱山西塢天祐二年宣

城帥田頴應抗將許思叛換縱兵大掠發師

塔觀肉身不壞髮爪俱長武肅王奇之遣禪

將邵志重封瘞焉

新羅五觀山順支本國號了悟大師

僧問如何是西來意師豎拂子僧云莫這箇
便是師放下拂子

○問以字不成八字不是是什麼字師作圓相
示之

○有僧於師前作五花圓相師畫破別作一箇圓相

仰山南塔光涌禪師

僧問文殊是七佛師文殊有師否師云遇緣即有云如何是文殊師師豎拂子示之云莫這箇是麼師放下拂子叉手

○問如何是妙用一句師云水到渠成

○問真佛住在何處師云言下無相不在別處

仰山東塔和尚

僧問如何是君王劍師云落纜不采功云用者如何師云不落時人手

○問法王與君王相見時如何師云兩掌無私云見後如何師云中間絕像

前臨濟義玄禪師法嗣

灌溪志閑禪師

魏府館陶人姓史氏幼從栢岩禪師披剃二十受具後見臨濟和尚和尚搗住良久放之師云師大住後胡衆云

我見臨濟無言語直至如今飽不饑

○問請師不惜師云我滿口道不惜師又云大庾嶺頭佛不會黃梅路上沒衆生

○師會下一僧去以石霜石霜問什麼處來云灌溪來石云我在北山住不如它在南山住僧無對師問云但道修涅槃堂了也

僧問久響灌溪到來只見漚麻池師云汝只見漚麻池不見灌溪云如何是灌溪師云劈箭急後人舉似玄沙玄沙云更學三十年未

會禪

○問如何是古人骨師云安置不得云為什麼安置不得師云金烏那教下碧天

○問金鎖斷後如何師云正是法汝處

○問如何是細師六廻換不廻換云末後事如何師云息夫六口頭

○問如何是一色師云不隨云一色後如何師云有關梨承當分也無

○問今日一會抵敵何人師云不為凡聖

○問一句如何師云不落千聖機

○問如何是洞中水師云不洗人

○師唐乾寧二年乙卯五月二十九日問侍者云坐死者誰云僧伽立死者誰云僧會乃行六七步垂手而逝

幽州談空和尚

有尼欲開堂說法師云尼女家不用開堂云龍女八歲成佛又作麼生師云龍女有十八變汝與老僧試一變着云變得也是野狐精

師乃打趂

寶壽和尚問除却中上二根人來時師兄作麼生師云汝適來舉早錯也壽云師兄也不得無過師云汝却與我作師兄壽側掌云這老賊

鎮州寶壽沼和尚 第一世住

僧問萬境來侵時如何師云莫管它僧禮拜師云不要動着動着即打折汝腰

○趙州諗和尚師在禪床背面而坐諗展坐具

禮拜師起入方丈論收坐具而出

○師問僧什麼處來云西山來師云見獼猴麼云見師云作什麼伎倆云見某甲一箇伎倆也作不得師打之

○胡釘鉸參師問汝莫是胡釘鉸云不敢師云還釘得虛空否云請和尚打破某甲與釘師以拄杖打之云和尚莫錯打某甲師云向後有多口阿師與汝點破在趙州云只這一縫尚不奈何乃代云且釘這一縫

○問萬里無片雲時如何師云青天亦須喫棒師將順世謂門人云汝還知我行履處否對云知和尚一生長坐不卧師又令近前門人近前師云去非吾眷屬言訖而化

鎮州三聖院慧然禪師

自臨濟受訣偏歷叢林至仰山仰山問汝名什麼師云名慧寂仰山云慧寂是我名師云我名慧然仰山大笑而已

○師到香巖香巖問什麼處來師云臨濟來香

云將得臨濟劍來麻師以坐具暮口打而去
○師到德山纔展坐具德山云莫展炊巾這裏
無鉢飯師云縱有也無着處德山以拄杖打
師師接住却推德山向禪床上德山大笑師
哭蒼天而去

○師在雪峯聞峯妻語云

人人盡有一面古鏡這箇獼猴亦有一面古
鏡師出問歷劫無名和尚為什麼立為古鏡
峯云殺生也師咄云這老和尚話頭也不識

峯云罪過老僧住持事多

○師見寶壽和尚開堂師推出一僧在寶壽前
寶壽便打其僧師云長老若恁麼為人瞎却
鎮州一城人眼在法眼云什麼處是瞎却人
眼處

魏府興化存獎禪師

問僧什麼處來云崔禪處來師云將得崔禪
喝來否云不將得來師云恁麼即不從崔禪
處來僧喝之師遂打師謂衆曰我只聞長廊

也唱後架也唱諸子汝莫盲唱亂唱真饒唱
得興化向半天裏住却撲下來氣欲絕待興
化蘇息起來向汝道未在何以故我未曾向
紫羅帳裏樂真珠與汝諸人眼裏在亂唱作
什麼

○師謂克賓維那云汝不久當為唱導之師云
不入這保社師云會了不入不會不入云沒
交涉師便打乃白衆云克賓維那法戰不勝
罰錢五貫設鉢一堂仍不得喫鉢便趕出院

○僧問國師喚侍者意作麼生師云一盲引衆
盲師有時喚僧某甲僧應諾師云點即到
又別喚一僧一應諾師云到即不點

○師後為後唐莊宗師莊宗一日謂師云朕收
大梁得一顆無價明珠未有人酬價師云請
陛下珠者帝以手舒開幙頭脚師云君王之
寶誰敢酬價玄覺徵云且道興化肯同光不
肯同光若肯同光興化眼在什麼處若不肯
同光過在什麼處

○師城後教謚廣濟大師塔曰通寂

定州善崔禪師

州將王公於衙署張座請師說法師升座良久謂衆云出來打出來打時談空和尚出云崔禪師云久立太尉珍重便下座

鎮州萬歲和尚

僧問大衆上來合談何事師云序品第一

問僧家究竟如何師云

本來且是吹灰法却向壇頭脫却衣

○師訪寶壽初見便展坐具寶壽即下禪床師云堂頭和尚已闌却門也請和尚庫頭喫茶師乃歸院翌日寶壽來復謁師踞禪床寶壽展坐具師亦下禪床寶壽還坐禪床師歸方丈閉闌寶壽入侍者寮內取灰於方丈前圍三道而退

雲山和尚

有僧從西京來師問還得西京主人書來否云不敢妄通消息師云作家師僧天然有在

云殘羹餒飯誰喫師云獨有閑梨不喫其僧
乃作吐勢師喚侍者云扶出這箇病僧者僧
便出去

桐峯庵主

僧問和尚這裏忽遇大虫作麼生師作吼聲
僧作怖勢師大笑云這老賊師云爭柰老僧
何

○僧到庵前便去師云閑梨閑梨僧迴首便唱
師良久僧云死却這老漢師乃打之僧無語

師呵呵大笑

○有僧入庵搗住師師云殺人殺人其僧推開
云叫作麼師云誰僧乃唱師打之僧出迴首
云且待且待師大笑

杉洋庵主

有僧到參師問阿誰云杉洋庵主師云是我
僧便喝師作噓聲僧云猶要捧在師便打僧
問庵主得甚麼道理便住此山師云也欲通
箇來由又恐連人點檢云又爭免得師乃唱

之去恰是師乃打其僧大笑而出師云今日
大敗大敗

涿州紙衣和尚

初問臨濟如何是奪人不奪境濟云

春煦發生鋪地錦嬰兒垂髮白如絲

師云如何是奪錦不奪人云

王令已行天下徧將軍塞外絕煙塵

師云如何是人境俱不奪云

王登寶殿野老謳歌師云如何是人境俱奪

云并汾已信獨處一方師於言下領旨深入
三玄三要四句之門頗資化道

虎溪庵主

僧到抽坐具相看師不顧僧云知道庵主有

此機風師鳴指一聲云是何宗旨師便拊之

云知道今日落人便宜師云猶要棒在

○有僧纔入門師便喝僧默然師打之僧却喝

師云好箇草賊

○僧到不審師云阿誰僧喝師云得恁麼無賓

主僧云猶要第二唱師乃唱之

○有僧問和尚何處人事師云隴西人僧云承聞隴西有鸚武還實有也無師云是僧云和尚莫不是也無師便作鸚武聲僧云好箇鸚武師便棒之

覆盆庵主

問僧什麼處來云覆盆山下來師云還見麼主僧便唱師便掌僧云作麼師又唱

○一日有僧從山下哭上師開却門僧於門下

畫一圓相師從卷後出却從山下哭上僧唱云猶作這箇去就在師便換手拍胸云可惜先師一場埋沒僧云苦苦師云庵主被護襄州歷村和尚

煎茶次僧問如何是祖師西來意師舉茶點子僧云莫只這便當否師擲向火中

○問如何是觀其音聲而得解脫師將火筋打柴頭問汝還聞否云聞師云誰不解脫

滄州米倉和尚

州牧請師與寶壽和尚入廳供養令人傳語
請二長老談論佛法壽云請師兄長老答話
師唱之壽云某甲尚未借問何便行唱師云
猶欠少在壽却與一唱

睦州陳尊宿法嗣

睦州陳操刺史

與僧齋次拈起餠餅問僧江西湖南還有這
箇麼僧云尚書適來喫什麼陳云敲鐘謝響
○又一日齋僧次躬行餅僧展手接陳乃縮手

僧無語陳云果然果然

○一日問僧云有箇事因上座商量得麼僧云
合取狗口陳自相云操罪過僧云知過必改
陳云恁麼即乞上座口喫餅

○又與寮屬登樓次有數僧行來一官人云未
者總是行脚僧陳云不是云馬知不是云近
前與問相次諸僧樓前過陳暮喚上座僧皆
迴顧陳謂諸官云不信道

○又與禪者頌曰

禪者有玄機

機玄是復非

欲了機前旨

咸於句下違

前香嚴智閑禪師法嗣

吉州止觀和尚

問如何是毗盧師師攔胸與一托

○問如何是頓師云非梁陳

壽州紹宗禪師

問如何是西來意師云

好事不出門惡事傳千里

○有一官人謂師云見說江西不立宗師云遇

緣即立云遇緣立箇什麼師云江西不立宗

襄州延慶法端號紹真大師

官人問蚯蚓斬兩段兩頭俱動佛性在阿那

頭師展兩手洞山別云今問底在那箇頭

益州南禪無染大師

問無句之句師還答也無師云從來只明德

麼事云畢竟如何師云且問看

益州長平山和尚

問視瞬不及處如何師云我眨眼也勿功夫
○問如何是祖師意師云西天來唐土去
益州崇福演教大師

問如何是寬廓之言師云無口道得

○問如何是西來意師云今日明日

安州大安山清幹禪師

問從上諸聖從何而證師乃斫額

○問如何是祖師西來意師云

羊頭車子推明月

終南山豐德寺和尚

問如何是和尚家風師云觸事面牆

○問如何是本來事師云終不更問人

均州武當山佛岩禪師

問須年有疾又中毒藥請師醫師云

一梳

又問如何是佛向上事師云螺髻子

江州廬山雙溪田道者

問如何是啾啾之機師以手作啄勢

○問如何是西來意師云什麼處得箇問頭來
前福州雙峯和尚法嗣

雙峯古禪師

本業講經因上雙峯禮謁雙峯問大德什麼
處住云城裏住峯云尋常還思老僧否云常
思和尚無由禮覲峯云只這思底便是大德
師從此領旨即歸本寺捨所居罷講入山就
侍數年

後到石霜但隨衆而已更不參請衆僉謂

侍者嘗受雙峯印記徃徃關于石霜霜欲詰
其所悟而未得其便師因辭石霜霜將拂子
送出門首召云古侍者師廻首霜云
擬着即差是着即乖不擬不是亦莫作箇會
除非知有莫能知之好去好去師應諾諾
前邁

尋屬雙峯歸寂師乃繼續住持

○僧問和尚當時祇對石霜石霜任恁麼道意作
麼生師云只教我不着是非

前徑山洪諲禪師法嗣 第三世住

洪州米嶺和尚

尋常垂語云莫過於此僧問未審是什麼莫過於此師云不出是其僧後問長慶為什麼不出是慶云汝擬喚作什麼

前揚州光孝院慧覺和尚法嗣

道嶽禪師

廬州人姓劉初參侍覺和尚便頓悟繼言師於湖南大光山剃度及化緣彌盛受請止具

州長慶禪苑師 日上堂謂眾云

彌勒世尊朝入伽藍暮成正覺乃說偈云

三界上下法 我說皆是心

離於諸心法 更無有可得

看它恁麼道也大殺惺惺若比吾徒猶是鈍漢所以一念見道三世情盡如印印泥更無前後諸子生死事大快須薦取莫為等閑業識茫茫蓋為迷已逐物世尊臨入涅槃文殊請佛再轉法輪世尊咄文殊言吾四十九年

住世不曾一字與人汝請吾再轉法輪是謂
吾曾轉法輪也然今時衆中建立箇賓主問
答事不獲已蓋為初心爾

○僧問如何是慶境師云閣梨履踐者

○問如何是佛法大意師云古人豈不道今日
三月三云學人不會師云止止不須說我法
妙難思便下座咸平二年歸寂

前仰山南塔光涌禪師法嗣

越州清化全付禪師

吳都崑山人也父賈販師隨至豫章聞禪會
之盛遂啓求出家即詣江夏投清平大師
清平問云汝來何求云求法也清平異而
受之尋登戒度表事彌謹一旦自謂云
常師豈宜匏係於此乎

○即辭抵宜春仰山禮南塔涌和尚問從何而
來師云鄂州來涌云鄂州使君名什麼云化
下不敢相觸涌云此地通不畏師云大丈夫
何必相試涌艱然而笑遂蒙印可

○乃遊廬陵安福縣宰為建應國禪苑迎以聚徒本道上聞賜名清化焉

○僧問如何是和尚急切為人處師云朝看東南暮看西北僧曰不會師云

徒誇東陽客不識西陽珍

○問如何是正法眼師云

不可青天白日尿床也

○師後因同里僧勉還故國錢氏文穆王特加禮重

○晉天福二年丁酉歲錢氏成將闢雲峯山建

院亦以清化為名法侶臻萃

○問如何是佛法大意師云華表柱頭未鶴飛

○問路逢達道人不將語默對未審將什麼對

師云眼裏瞳人吹叫子

○問和尚年多少師云始見去年九月九如今

又見秋葉黃僧曰恁麼即無數也師云問取

黃葉云畢竟事如何師云六隻骰子滿盆紅

○問亡僧遷化向什麼處去師云

長江無間斷聚沫任風飄云還受祭祀也無
師云祭祀不無僧云加何祭祀師云
漁歌舉權谷裏聞聲

○忠獻王賜以紫方袍師不受王改以衲衣仍
號純一禪師師云吾非飾讓也恐後人傲吾
而逞欲耳

○漢開運四年丁未秋七月示寂安然坐逝有
大風震摧林木壽六十六臘四十五
郢州芭蕉山慧清禪師

新羅人

問如何是芭蕉水師云冬溫夏涼

○問如何是吹毛劍師云進前三步僧云
如何師云退後三步

○問如何是和尚為人一句師云只恐不問

○師上堂謂衆曰會麼相悉者少

○問不語有問時如何師云未出三門千里程

○問如何是自己師云望南看北斗

○問光境俱亡復是何物師云知云知箇什麼

師云建州九郎

○問如何是提婆宗師云赤幡在左

○師問僧近離什麼處云請師試道者師云將謂是船上商人元來是當州小客

○問不問二頭三首請師直指本來面目師默然正坐

○問賊來須打客來須者忽遇客賊俱來時如何師云屋裏有一兩兩破草鞋云只如破草鞋還堪受用也無師云汝若將去時前凶後

不吉

○問斗裏藏身意旨如何師云九九六十一

師又云會麼云不會師云一二三四五

○問古佛未出興時如何師云千年茄子根云出興後如何師云金剛努出眼

○師上堂良久云也大相辱珍重

韶州昌樂縣黃連山義初號明微大師

○問三乘十二分教即不問請師開口不答話師云寶華臺上定古今云如何是寶華臺上

定古今師云一點墨子輪流不移云學人全體不會請師指示師云靈覺雖轉空華不墜
○問古路無蹤如何進步師云金烏遠須彌元與劫同時云恁麼即得達於彼岸也師云黃河三千年一度清

○廣南劉氏向師道化請入府內說法

○僧問人王與法王相見時如何師云兩鏡相照萬像歷然云法王心要透磨西來五祖付與曹溪自此不傳衣鉢未審碧玉階前將得

付囑師云石羊水上行木馬夜翻點檢云恁麼即我王有感萬國歸朝師云
時人盡唱太平歌

○問如何是佛師云胸題方字背負圓光

○問如何是道師展兩手示之僧云佛之與道相去幾何師云如水如波

韶州慧林鴻究號妙濟夫師

有僧問千聖常行此路如何是此路師云果然不見

○問魯祖面壁意如何師云有什麼雪處

○問如何是急切事師云鈍漢

○問如何是和尚家風師云諸方例大

○問定慧等學明見理性如何師云新修梵宇

前仰山西塔光穆禪師法嗣

吉州資福如寶禪師

僧問如何是應機之句師默然

○問如何是玄旨師云汝與我掩却門

○問魯祖面壁意作麼生師云勿交涉

○問如何是從上真正眼師提胸云蒼天蒼天

僧云借問又何妨師云困

○問這箇還受學也無師云未曾鑽地栽虛空

○問如何是衲僧急切處師云不過此問云

人未問已前請師道師云噫

○問諸方盡皆妙用未審和尚此問如何師云

噫

○問古人拈槌豎拂此理如何師云癡

○問如何是一路涅槃門師彈指一聲又展開

兩手云如何領會師云

不是秋月明子自橫行八九

○問如何是和尚家風師云鉢後三椀茶

○師一日拈起蒲團示衆云諸佛菩薩及八種

聖人皆從這裏出便擲下摩胸開云作麼生

衆無對

○問學人創入叢林一夏將末末蒙和尚指教

願垂提拯師托開其僧乃曰老僧自住精舍

未嘗瞎却一僧眼

○師有時坐良久周視左右云會麼衆云不會

師云不會即謾汝去也

○師一日將蒲團於頭上云汝諸人徒然時時

共語衆無對師將坐却云猶較些子

前灌溪志閑禪師法嗣

池州魯祖山教和尚

僧問如何是日前事師云

絲竹未將為樂器架上葫蘆猶未收

○問如何是雙林樹師云有相身中無相身云

如何是有相身中無相身師云

金香山下鐵崑崙

○問如何是高峯孤宿底人師云

半夜日頭明日午打三更

○問如何是格外事師云

化道緣終後虛空更那邊

問進向無門時如何師云太鈍生云不是

根直下進向無門時如何師云

靈機未會論邊際執法無邊在暗中

○問如何是學人着力處師云

春來草自明月上已天明云如何是不着力

處師云崩山石頭落平川燒火行

魏府興教存獎禪師法嗣

汝州寶應和尚

上堂示衆云赤肉團上壁立千仞時有僧問

赤肉團上壁立千仞豈不是和尚道師云是

其僧乃掀禪床師云這時驢使棒

○師問僧近離什麼處云長水師云東流西流

云總不恁麼師云作麼生僧珍重師打之赴
下法堂

○僧到參師舉拂子云今日敗闕師放下拂子
僧云猶有這箇在師乃棒之

師問僧近離什麼處云近離襄州師云來作
什麼云特來禮拜和尚師云恰遇寶應老不
在僧便唱師云向汝道不在又唱作什麼僧
又唱師乃棒之其僧禮拜師云這棒本分汝
打我我且打汝三五棒要此話大行

○思明和尚未住西院時到參禮拜後云別無
好物人事從許州買得一口江西剃刀來獻
和尚師云汝從許州來什麼處得江西剃刀
明把師手插一下師云侍者收取明拂袖而
去師云阿刺刺

○師上堂云諸方只具啐啄同時眼不具啐啄
同時用時有僧便問如何是啐啄同時用師
云作家相見不啐啄啐啄同時失僧云此猶
未是某甲問處師云汝問處又作麼生云失

師乃打之真僧不肯

後於雲門會下聞別僧舉此語方悟旨却迴
參者師已圓寂遂禮風穴和尚風穴問曰汝
當時問先師啐啄語後來還有省處也無云
已見箇道理也云作麼生云某甲當時在燈
影裏行照顧不着風穴云汝會也

前寶壽沼和尚法嗣

汝州西院思明禪師

有人問如何是伽藍師六荆棘叢林云如何

是伽藍中人師云權兒老子

○問如何是臨濟一喝師云千鈞之弩不為麤
鼠而發機云和尚慈悲何在師打之

僧從濟到法席旬日乃曰莫道會佛法人看
箇舉話底人也無師聞而默之

濟異日上法堂次師召從濟濟舉首師云錯
濟進三两步師又云錯濟復近前師云適來
兩錯是上座錯是西院錯云是從濟錯師云
錯又曰上座且這裏過夏待共汝商量這兩

錯滴不肯復去

○後住相州天平山嘗舉前話云我行脚時被惡風吹到汝州有西院長老勸我連道三錯更待留我過夏商量我不說恁麼時錯我當時發足擬向南去便知道錯了也首山省念和尚云據天平作恁麼會解未夢見西院在何故語在

寶壽和尚 第二世住

有僧問如何是祖師云面黑眼睛白

○問躡倒化城時如何師云死漢不斬僧云斬師乃打之

前三聖慧然禪師法嗣

鎮州大悲和尚

有僧問除上去下請師便道師云我開口即錯云真是學人師師云今日向弟子手裏死溜州水陸和尚

有僧問如何是學人用心處師云用心即錯云不起一念時如何師云勿用處漢

○問此事如何保任師云切忌

○問如何是最初一句師便唱

○問狹路相逢時如何師便攔胸托一托

前魏府大覺和尚法嗣

廬州大覺和尚

問牛頭未見四祖時為什麼鳥獸銜花師云

有恁麼畜生云見後為什麼不來啣花師云

無恁麼畜生

廬州澄心院旻德和尚

在興化時遇興化和尚示眾云若是作家戰

將便請單刀直入更莫如何若何師出禮拜

起便唱興化亦唱師又唱化亦唱師乃作禮

歸眾化云旻德今夜較却興化二十棒然雖

如是賴遇它旻德長老一喝不喝用

汝州南院和尚

問匹馬車擔來時如何師云待我斫棒

○問上上根器人還接否師云接云便請師接

師云且得平交

師問新到僧近離什麼處云漢上師云汝也
罪過我也罪過僧無語

○師見新到僧乃搗住云什麼生作麼生其僧
無對師云三十年弄馬伎今日被驢撲

○有僧新到師云敗也乃拋下拄杖僧云恁麼
語話師便打

萬僧問答景德傳燈全錄卷之十二



萬僧問答景德傳燈全錄卷之十三

古汴道源太師纂集

新安朝用汪士賢校

前郢州芭蕉山慧清禪師法嗣

郢州興陽山清讓禪師

僧問大通知勝佛十劫坐道場佛法不現前
不得成佛道時如何師云其問甚諦當云既
是坐道場為什麼不得成佛道師云為伊不
成佛



NATIONAL CENTRAL LIBRARY, TAIWAN, R.O.C.

洪州幽谷山法滿禪師

僧問如何是道師良久云會麼云學人不會
師云話道語下無聲舉揚與旨丁寧禪要如
今會取不須別後消停

前吉州資福如寶禪師法嗣

吉州資福貞遠禪師

僧問和尚見古人得何意旨便歇去師作圓
相示之

○問如何是古人歌師作圓相示之

○問如何是最初一句師云未具世界時尚
亦在此

○問百丈卷席意如何師良久

○問古人道前三三後三三意師云如何
什麼云某甲師云喫茶去

○師謂衆云隔江見資福利竿使疑去脚
好與三十棒豈況過江來

○時有僧纔出師云不堪共語

○問如何是古佛心師云山河大地

吉州福壽和尚

僧問祖意教意同別師乃展手

○問文殊騎獅子普賢騎象未審釋迦騎什麼
師舉手云邪邪

潭州鹿苑和尚

僧問餘國作佛還有異名也無師以手作圓
相示之

○問如何是鹿苑一路師云吉了舌頭問將來
○問如何是閉門造車說云南岳石橋僧云如

何是出門合轍師云拄杖頭上挂草鞋

○師上堂展手云天下去和尚諸上座命根纒
在這裏有一僧出云還收得也無師云天台

石橋側僧云某甲不恁麼師云伏惟尚饗

○問如何是世尊不說說師云須彌山倒云如
何是迦葉不聞聞師云大海枯竭

前汝州南院和尚法嗣

汝州風穴延昭禪師

餘杭人也初發迹於越州鏡清順德大師未

入堂上座。南院侍者云：州南院侍者也。

乃密探南院宗旨。初見不禮拜，便問云：

入門須辯主端的。請師分南院以左手拊膝。師唱南院以右手拊膝。師又唱南院舉左手云：這箇只從關梨。又舉右手云：這箇又作麼。生師云：瞎南院擬拈拄杖。次師云：什作麼。拈拄杖打老和尚。莫言不道南院云：三十年住持。今日被黃面湫子上門羅織。師云：和尚大。

似持鉢不得詐道不饑。南院云：關梨幾時。到南院來。師云：是何言歟。云：老僧端的問汝。師云：也不得放過。云：且坐喫茶。師方叙師資之禮。自後應為仰之。懸記出世聚徒南院法道由是大振諸方矣。

○師上堂云：祖師心印。此日全提去。即印住。住即印破。只如不去不住。印即是不印。即是衆中還有道得者麼。

時有廬陂長老問云：學人有鐵牛之機。請師。

不接師云

憤釣鯨鯢澄巨浸却嗟蝸步驟泥沙盧擬進
語師以拂子摹口打乃曰記得前語麼盧云
記得師云試舉看盧欲閉口師又打一拂
○上堂謂衆曰夫參學眼目臨機直須大用見
前莫自拘於小節設使言前薦得猶是滯殼
迷風縱然向下精通未免觸塗任見觀汝諸
人從前依它學解迷昧兩蹊而今與汝一齊
掃却箇箇作大師子兒吒呀地嚙吼一聲壁

立千仞誰敢正眼覷着若覷着即瞎却眼根

○問師唱誰家曲宗風嗣阿誰師云

超然面出威音外翹足徒勞讚底沙

○問古曲無音韻如何和得齊師云

木雞啼子夜鷓鴣吠天明

○問如何是一稱南無佛師云

燈連鳳翅當堂照月影娥眉顯普未面看

○問如何是佛師云如何不是佛

○問來曉玄言請師直指師云

盲龜值木雖優穩枯木生花物外春

○問如何是密室中事師云

出袖談今古回顏獨皺眉

○問曠龍額下珠如何取得師云

曾向海邊乾竹刺直至如今治素琴

○問大舸搖空如何舉權師云

自在不點胸澤家不喜見

○問追風難把捉前程事若何師云

波斯衣襪

立畏解反

○問誕生王子還假及第否師云

一句擬光禪子問三緘恐負古人機

○問隨緣不變者忽遇知音人時如何師云

披莎側笠千峯裏引水澆蔬五老前

問刻舟求不得當體事如何師云

大勳不立賞柴扉草自深

○問從上古人印印相契如何是印痕眼師云

輕量道者知機變拈與露窻拭淚巾

○問九夏賞勞請師言薦師云

出袖拂開龍洞雨
汎波僧涌鉢囊花

○問最初自恣合對何人師云

一把香鼻拈未下
六環金錫響搖空

○問西祖傳來請師端的師云

一犬吠虛千徠囉實

○問正道與佛道相去幾何師云

窮徇吠時天地合
木雞啼後祖燈輝

○問祖師心印請師拂教師云

祖月凌空圓聖智
何山松檜不青青

○問大衆雲集請師說法師云

赤脚人趁兔着靴
人喫肉

○問不曾博覽空王教畧借玄機
試道看師云

白玉無瑕卞和剛足

○問如何是無為之句師云

寶燭當軒顯紅光
爍太虛

○問如何是臨機一句師云

因風吹火用力不多

○問素面相呈時如何師云拈却蓋面帛

○問如何是無情氣息師云

曉行村步大衆見之

○問紫菊半開秋已至月圓當戶意如何師云
月生蓬島人皆望昨夜遭霜子不知

○問如何是直截一路師云直截透曲

○問如何是師子吼師云阿誰要汝野千鳴

○問如何是諦實之言師云心懸壁上

○問心不能緣口不能言時如何師云逢人但
恁麼舉

○問龍透清潭時如何師云印駮

○問任性浮沉時如何師云牽牛不入

○問有無俱無去處時如何師云

三月懶遊花下路一家愁閉雨中

○問語涉離微摩法師實感論離微體淨

其入離其出微知入離外塵無所

內心無所為內心無所為諸見不能

無所依萬有不能機萬有不能機想慮

馳諸見不能移寂滅不思議可謂本淨體離

微也。禪入教名難約用故名微混而為一無
雖無微體淨不可染無染故無淨體微不可
有無有故無無如何通不犯師云

常憶江南三月裏鵲啼處野花香

問百了千當時如何師云

不許夜行投明須到

○問無地容身時如何師云熊耳塔開無印

○師云如何即是師云快須斷却

○問盡大地人來一時致問如何祇對師云

子期琴韻勿知音

○問央掘逼佛時如何師云

大家保護萬迴慙

○問心印未明如何得入師云

雖聞首帥來歸款未見牽牛納壁

○問如何是臨濟下事師云桀犬吠堯

○問如何是鬻餅事師云孟浪措辭論馬耳

○問不修定慧為什麼成佛無疑師云

金雞專報曉添桶黑光生

○問一念萬年時如何師云拂石仙衣破

○問洪鍾未擊時如何

充塞大千無不韻妙含幽致豈能分云擊後如何師云

石壁山河無障碍翳消開後好沾聞

○問如何是西來意師云尋山水盡山無盡

○問大人相為什麼不具足師云

鷓鴣夜半欺鷹隼

○問今古纔分請師密要師云截却重舌

○問如何是大人相師云赫赤窮云六六不和

二時如何師云携籬挈杖

○問如何是宿中主師云入市雙瞳瞽云如何

是主中宿師云迴鑿兩曜新云如何是宿中

宿師云楷眉坐白雲云如何是主中主師云

磨礮三尺劍待斬不平人

○問如何是鑊頭邊意師云山前一片青

○問如何是佛師師云杖林山下竹筋鞭

前汝州西院思明禪師法嗣

郢州興陽路靜禪師

初參西院乃問云擬問不問時如何西院便打師良久西院云若喚作棒眉鬚墮落師於言下大悟

○問師唱誰家曲宗風嗣阿誰師云少室峯前無異路

前韶州慧林鴻究禪師法嗣

韶州靈瑞和尚

問如何是佛師喝云汝是村裏人

○問如何是西來意師云十萬八千

○問如何是本來心師云

坐却昆盧頂出没太虛中

前風穴延昭禪師法嗣

汝州廣惠真禪師

○問如何是廣慧境師云小寺前頭

○問如何是和尚家風師云杓爬鑽子

汝州首山省念禪師

萊州人姓狄受業於本部南禪院得法於風

穴初住首山為第一世開堂云有僧

問師唱誰家曲宗風嗣阿誰師云

少室岩前親掌視云更請洪音和一聲師云
如今也要大家知

○師謂衆曰佛法付與國王大臣有力檀越今
燈燈相然相續不斷至于今日大衆且道箇
相續什麼

師良久又云今日須是迦葉師兄始得

○問如何是和尚家風師云

一言截斷千江萬仞峯前始得玄

○問如何是首山境師云一任衆人看如何
是境中人師云喫棒得也未僧禮拜師云且
待別時

○問如何是祖師西來意師云風吹日炙

○問從上諸聖向什麼處行履師云牽犁拽杷

○問古之拈槌豎拂意旨如何師云

孤峯無宿客云未審意旨如何師云
不是守株人

○問如何是善提路師云此去襄縣五里云向上事如何師云往來不易

○問諸聖說不盡處請師舉唱師云萬里神光都一照誰人敢並日輪齊

○問一樹還開華也無師云開來久矣云未嘗還結子也無師云昨夜遭霜了

○問臨濟唱德山棒未審明得箇什麼邊事師云汝試道看僧唱師云瞎僧又唱師云這瞎漢只麼亂唱作麼僧禮拜師便打

○問四衆圍繞師說何法師云打草蛇驚云未審怎麼生下手師云適來幾合喪身喪命

○問二龍爭珠誰是得者師云得者失者無者者又如何師云珠在什麼處

○問維摩默然文殊贊善未審此意如何師云當時聽衆必不如是云未審維摩默然意如何師云知恩者少負恩者多

○問一切諸佛皆從此經出如何是此經師云低聲低聲云如何受持師云切不得汗流

○問世尊滅後法付何人師云
好箇問頭無人答得

○問見色便見心諸法無形將何所見師云
一家有事百家忙云學人不會請師再指師
云三日後看取

○問如人入京朝聖主只到潼關便却回時
何師云猶是鈍漢

○問路逢達道人將語默對未審將什麼對
師云瞥爾三千界

○問一句了然起首憶如何是一句師云到處
舉似人云畢竟事如何師云但知恁麼道

○問如何是古佛心師云鎮州蘿蔔重三斤

○問虛心以何為體師云老僧在汝脚底云
尚為什麼在學人脚底師云知汝是個瞎漢

○問如何是玄中的師云有言須道却無言
如何師云無言鬼也瞋

○問如何是衲僧眼師云此問猶不當云當
如何師云堪作什麼

問如何得離衆緣去師云千年一遇云不離時如何師云立在衆人前

○問如何是安樂底人師云不見有一法云擇何為人師云謝閣梨領話

○問如何是常在底人師云亂走作麼

○問一毫未發時如何師云路逢穿耳客云發後如何師云不用更遲疑

○問無弦琴請師音韻師良久云還聞麼云不聞師云何不高聲問著

○問學人久處沉迷請師一接師云老僧無係麼閑功夫云和尚為什麼如此師云要行即行要坐即坐

○問如何是離凡聖底句師云嵩山安和尚云莫便是和尚極則處否師云南岳讓禪師

○問學人乍入叢林乞師指示師云閣梨到此多少時也云已經冬夏師云莫錯舉似人

○問有人蕩盡來時師還接否師云蕩盡即不無那箇是誰云今日風高月冷師云僧堂內

幾人坐卧僧無對師云賺殺老僧

○問如何是梵音相師云驢鳴狗吠

○問如何是徑截一路師云

或在山間或在樹下

○問曹溪一句天下人聞未審和尚一句什麼人得聞師云不出三門外云為什麼不出三門外師云舉似天下人

○問如何是和尚不欺人眼師云看看冬到來云究竟如何師云即便春風至

○問遠聞和尚無絲不挂及至到來為什麼有山可守師云道什麼僧唱師亦唱僧禮師云放汝二十棒

○師次住寶安山廣教院後御衆請入城應院三處法席海衆常臻

淳化三年十二月四日午時上堂說偈示衆云

今年六十七

老病隨緣且遣日

今年記却來年事 來年記著今朝日

至四年月日與時無爽前記上堂辭衆仍說偈曰

白銀世界金色身 情與非情共一真
明暗盡時俱不照 日輪午後是全身
言訖安坐日將昃而逝壽六十有八奉毘跋舍利

前汝州首山省念禪師法嗣

汾州善昭禪師

上堂謂衆云凡一句語須具三玄門每一玄

門須具三要有照有用或先照後用或先用後照或照用同時或照用不同時先照後用且要共你商量先用後照你也須是箇人始得照用同時你作麼生當穩照用不同時你又作麼生湊泊

○僧問如何是大道之源師云掘地覓青天云何得如此師云識取幽玄

○問如何是賓中賓師云合掌庵前問世尊云如何是賓中主師云對面無傳侶云如何是

主中賓師云陣雲橫海上拔劍攬龍門云如
何是主中主師云

三頭六臂擎天地忿怒那吒撲帝鍾

曹溪別出

前南陽慧忠國師法嗣

吉州耽源山真應禪師

為國師侍者時一日國師在法堂中師入來
國師乃放下一足師見便出良乂却回國師
云適來意怎麼生師云向阿誰說即得國師

云我問你師云什麼處見某甲

師又問百年後有人問極則事如何國師云
幸自可憐生須要覓箇護身符子什麼

○一日師持籃子問方丈國師問籃裏什麼物

師云青梅國師云將來何用師云供奉國師
云青在爭堪供奉師云以此表獻國師云佛
不受供奉師云某甲只恁麼和尚如何國師
云我不供奉師云為什麼不供奉國師云我
無果子

○百丈海和尚在泐潭山牽車次師云車在這裏牛在什麼處海斫額師拭目

○麻谷問十二面觀音豈不是聖師云是麻谷與師一相師云想汝未到此境

○國師諱日設齋有僧問云國師還來否師云未具它心云又用設齋作麼師云不斷世諦洛陽荷澤神會大師法嗣

黃州大石山福琳禪師

荊州人姓元氏本儒家子幼歸釋氏就玄覺

寺謙著禪師剃度登戒遊方遇荷澤師示無念靈知不從緣有即渙然見諦

後抵黃州大石山結庵而居四方禪侶依之甚衆

○唐興元二年入滅壽八十有二

沂水蒙山光寶禪師

并州人姓周氏初謁荷澤和尚服勤左右荷澤一日謂之云汝名寶光名以定體寶即已有光非外來縱汝意用而無少乏長夜蒙照

而無間歇汝還信否師云信則信矣未審光
之與寶同耶異耶澤云光則寶寶則光何有
同異之名乎師云眼耳緣聲色時為復抗行
為有回互澤云抗互且置汝指何法為聲色
之體乎師云如師所說即無有聲色可得澤
云汝若了聲色體空亦信眼耳諸根及與凡
聖平等如幻抗行回互其理昭然師由是領
悟禮辭而去

初隱沂水蒙山唐元和二年圓寂壽九十

前達州道圓禪師法嗣

然南山圭峯宗密禪師

果州人姓何氏家本蒙盛鬢亂通僧言冠蓋
探釋典

唐元和二年將赴貢舉偶造圓和尚法席
然契會遂求披削當年進具

一日隨衆僧齋於府吏任灌家居下位以次
受經得圓覺十二章覽未終軸感悟流涕歸
以所悟之旨告於圓圓撫之云汝當大弘圓

頓之教此諸佛受汝耳行矣無自滯於一隅也師涕泣奉命禮辭而去

○因謁荆南張禪師南印張云傳教人也當宣導於帝都

○復見洛陽照禪師奉國神照照云菩薩人也誰能識之

○尋抵襄漢因病僧付華嚴疏即上都澄觀大師之所撰也師未嘗聽習一覽而講自欣所遇云向者諸佛述作罕窮厥旨未若此疏

源流暢幽蹟煥然吾禪遇南宗教遂圓覺一言之下心地開通一軸之中義天朗耀今接偶茲絕筆罄竭於懷暨講終思見疏主時門人太恭斷臂酌恩師先齋書上疏主遙叙師資往復慶慰尋太恭痊損方隨侍至上都執弟子之禮觀云毗盧華嚴能隨我遊者其汝乎師預觀之室雖日新其德而認筌執象之患永亡矣

○北遊清涼山田住鄆縣草堂寺未幾復入寺

南臺卷之二

○大和中徵入內賜紫衣帝累問法要朝士歸
墓惟相國葉公休深入堂與受教為外護師
以禪教學者互相非毀遂著禪源諸論寫錄
諸家所述詮表禪門根源道理文字句偈集
為一藏以貽後代其都序略云禪是天然之
語具云禪那翻云思惟修亦云靜慮皆是定
慧之通稱也源者是一切衆生本覺真性亦
名佛性亦名心地悟之名慧修之名定定慧
通名為禪此性是禪之本源故云禪源亦名
禪那理行者此之本源是禪理忘情契之是
禪行故云理行然今所集諸家述作多談禪
理少說禪行故且以禪源題之今時有但目
真性為禪者是不達理行之旨又不辨華竺
之音也然非離真性別有禪體但衆生迷真
合塵即名散亂背塵合真名為禪定若直論
本性即非真非妄無背無合無定無亂誰言
禪乎况此真性非惟是禪門之源亦是萬法

之源故名法性亦是衆生迷悟之源故來如
來藏藏識 出楞嚴經 亦是諸佛萬德之源故
名佛性 出涅槃經 亦是菩薩萬行之源故名
心地 梵網經 心地門品云是諸行之本源行
菩薩道之根本是大衆諸佛子之根本也萬
行不出六波羅蜜之禪門但是六中之一當
其第五豈可都目真性為禪行哉然禪定
一行最為神妙能發起性上無漏智慧一切
妙用萬行萬德乃至神通光明皆從定發故
三乘學人欲求聖道必須修禪禪此無別難
此無路至於念佛求生淨土亦修十六觀禪
及念佛三昧般舟三昧又真性即不動不搖
凡聖無差禪則有淺有深階級殊等謂華嚴
計欣上厭下而修者是外道禪正信因果亦
以欣厭而修者是凡夫禪悟我空偏直之理
而修者是小乘禪悟我法二空所顯而修者
是大乘禪上四類皆有四色四空之異也若
頓悟自心本來清淨元無煩惱無漏智性本

自具足此心即佛畢竟無異依此而修者是
上乘禪亦名如來清淨禪亦名一行三昧亦
名真如三昧此是一切三昧根本若能念念
修習自然漸得百千三昧達磨門下展轉相
傳者是此禪也達磨未到古來諸家所解皆
是前四禪八定諸高僧修之皆得功用南岳
天台令依三諦之理修三止三觀教義雖最
圓妙然其趣入門戶次第亦只是前之諸禪
行相唯達磨所傳者頓同佛體迥異諸門故

宗習者難得其旨得即成聖疾證菩提夫即
成邪速入塗炭先祖華昧防失故且人傳之
人後代已有所憑故任千燈千照指乎法矣
成弊錯謬者多故經論學人疑謬亦衆原夫
佛說頓教漸教禪關頓門漸門二教二門各
相符合今講者偏彰漸義禪者偏播頓宗禪
講相逢胡越之隔宗家不知宿生何作薰得
此心自未解脫欲解它縛為法亡於駭命懸
人切於神情亦如淨名云若自有縛能解他

縛無有是處然欲罷不能驗是宿習難故故
每歎人與法差法為人病故別撰經律論疏
大開戒定慧門顯頓悟資於漸修證師說符
於佛意意既本末而委示文乃浩博而難尋
汎學雖多秉志者少况迹涉名相誰辨金鑰
徒自疲勞未見機感雖佛說悲增是行而自
慮愛見難防遂捨衆入山習定均慧前後自
慮相見十年云前後者中間被勅迫入內住
城二年方却表請歸山也微細習情起滅影

於靜慧差別法義羅列現於空性處隨日光
纖埃擾擾清潭水底影像昭昭豈比夫空守
默之癡禪但尋文之狂慧者也然本國自有
心而辨諸教故恫情於心宗又因辨諸教而
解修心故虔誠於教義教也者諸佛菩薩所
留經論也禪也者諸善知識所述身偈也但
佛經開張羅大千八部之衆禪倡撮略就此
方一類之機羅衆則奔蕩難依就機則指的
易用今之纂集意在斯焉

裴休為之叙曰諸宗門下皆有達人然各安
所習通少局多數十年中師法益壞以舉
為戶牖各自開張以經論為干戈互相攻
情隨函矢而遷變禮云函人為甲孟子云
人惟恐傷人矣人唯恐不傷人蓋所習之
使然也今學者但隨宗徒彼此相非耳法
人我以高低是非紛拏莫能辨析則向者
尊菩薩諸方教宗適足以起諍後人增煩
病何利益之有哉

圭山大師久而歎云吾下此時不可以默矣
於是以前來三種教義印禪宗三種法門
餅盤釵釧為一金攪酥酪醍醐為一味振
領而舉者皆順荀子云如振裘領屣正指
頓之順者不可勝數據會要而來者同趨
易畧例云處會要以觀方來則六合無
足多也都序據圓教以印諸宗雖百家亦無
所不統尚恐學者之難明也又復直指宗元
之本末真妄之和合空性之隱顯法義之差

殊頓漸之異同遞來之因互權實之深淺通
局之是非若吾師者捧佛目而委曲回照疑
曠盡除順佛心而橫亘大悲窮劫蒙益則世
尊為闡教之主吾師為會教之人本末相符
遠近相照可謂畢一代之能事矣自世尊演
教至今日會而通之能事方畢

或云自如來未嘗大都而通之今一旦違宗
趣而不守廢闕防而不據無乃乖秘藏密契
之道乎答云如來初雖別說乘後三乃通為

一道三十年前或說小乘或說大乘或說相

教或說性教聞者各隨機在悟不相通如迦

四十年後坐虛鷲而會三乘請於天而證一

性前後之軌則也故涅槃經迦葉菩薩云

諸佛有密語無密藏世尊讚之云如來之言

開發顯露清淨無翳愚人不解謂之秘藏智

者達了則不名藏此其證也故王道興則外

戶不閉而守在戎夷佛道備則諸法總持而

防在魔外涅槃圖教和會諸法唯簡別魔說

及外道邪宗耳不當復執情攘臂於其間也
師又著圓覺大小二疏鈔法界觀門原人等
論皆斐休為之序引盛行於世

○師會昌元年正月六日於興福塔院坐滅二
十二日道俗等奉全身於圭峯二月十三日
荼毗得舍利明白潤大後門人泣而求之皆
得於煨燼乃藏之石室壽六十有二臘三十
四遺戒令昇屍鳥獸施之焚其骨而散之勿
得悲慕以亂禪觀每清明上山必講道七日

其餘住持儀則皆合律科違者非善業不持
服四衆數千百人哀泣喧野洎宣宗再興其
教追謚定慧禪師塔曰青蓮

○蕭俛相公呈已見解請禪師注釋云猶淨法
見清淨體於諸三昧八萬四千諸法維香門
皆於見上一時起用名為慧眼右言真如相
應之時善惡不思空有不念萬化寂滅萬法
俱從思想緣念而生皆是虛空故云化也既
一念不生則萬法不起故不待泯之自然寂

滅也。此時更無所見見。照體獨立。夢智亡階。
三昧諸波羅門。亦一時空寂。更無所得。散亂
與三昧。此岸與彼岸。是相待對治之說。若知
心無念見性無生。則定亂真妄。一時空寂。故
無所得也。不審此是見上一時起用否。然見
性圓明。理絕相累。即絕相為妙用。狂起為執
情。於八萬法門。一一皆爾。一法有為。一應一
法空為。一用故云。見清淨體。則一時起用矣。
望於此後。示及俛答。史山人。

十問

○一問云。何是道。何以修之。為復必須修成。為
復不假功用。答云。無碍是道。覺妄是修。道雖
本圓。妄起為累。妄念都盡。即是修成。

○二問道。若因修而成。即是造作。便同世間法。
虛偽不實。成而復壞。何名出世。答云。造作是
結業名。虛偽世間無作。是修行。即真實出世。
○三問其所修者。為預為漸漸。則忘前失後。何
以集合而成。預則萬行多方。豈得一時圓滿。

答云真理即悟而頓圓妄情息之而漸盡頓
圓如初生孩子一日而肢體已全漸修如長
養人成多年而志氣方立

○四問凡修心地之法為當悟心即了為當別
有行門若別有行門何名南宗頓旨若悟即
同諸佛何不發神通光明答云識水池而全
水藉陽氣而鎔消悟凡夫而即真資法力而
修習水消則水流潤方呈溉滌之功妄盡則
心靈通始發通光之應修心之外無別行門

○五問若但修心而得佛者何故諸經說
須莊嚴佛土教化衆生方名成道答云鏡
而影像千差心靜而神通萬應影像莊嚴
佛國神通則教化衆生莊嚴而即非莊嚴
像而亦色非色

○六問諸經皆說度脫衆生衆生且即非衆生
何故更勞度脫答云衆生若是實度之則為
勞即自云即非衆生何不例度而無度

○七問諸經說佛常住或即說佛滅度常即不

滅滅即非常豈不相違答云離一切相即名
諸佛何有出世入滅之實乎見出沒者在乎
機緣機緣應則菩提樹下而出現機緣盡則
娑羅林間而涅槃其猶淨水無心無像不現
像非我有蓋外質之去來相非佛身豈如來
之出沒

○八問云何佛化所生吾如彼生佛既無生生
是何義若言心生法生心滅法滅何以得無
生法忍耶答云既云如化化即是空空即無

生可詰生義生滅滅已寂滅為真忍真忍法
無生名曰無生法忍

○九問諸佛成道說法祇為度脫衆生衆生現
有六通佛何但住在人中現化又佛滅後付
法於迦葉以心傳心乃至此方七祖每代祇
傳一人既云於一切衆生皆得一子之地何
以傳授不普答云日月麗天六合俱照而盲
者不見盆下不知非日月不普是障隔之外
也度與不度是義類如斯非局人天棟於鬼

畜但人道能結集傳授不絕故祇知佛現人中
中也滅度後委付迦葉展轉相承一人者此
亦蓋論當代為宗教主如土無二王非得度
者唯爾數也

○十問和尚因何發心慕何法而出家今如何
修行得何法味所行得至何處地位今住心
耶修心耶若住心妨修心若修心則動念不
安云何名為學道若安心一定則何異定性
之徒伏願大德運大慈悲如理如如次第為

說答云覺四大如坏幻達六塵如空華悟自
心為佛心見本性為法性是發心也知心無
住即是修行無住而知即為法味住著於法
斯為動念故如人入暗則無所見今無所住
不染不著故如人有目及日光明是種種法
豈為定性之徒既無所住著何論處所

○又山南温造尚書問悟理息妄之人不結業
一期壽終之後靈性何依者答云一切衆生
無不具有覺性靈明空寂與佛無殊但以無

始劫來未曾了悟妄執身為我相故主愛惡
等情隨情造業隨業受報生老病死長劫輪
迴然身中覺性未曾生死如夢被驅役而自
本安閑如水作冰而濕性不易若能悟此理
即是法身本自無生何有依託靈靈不昧了
了常知無所從來亦無所去然多生妄執習
性以成喜怒哀樂微細流注真理雖然頓達
此情難以卒除須長覺察損之又損如風掃
止波浪漸停豈可一生所修便同諸佛功德

但可以空寂為自體勿認意身為靈知為自
心勿認妄念妄念若起都不隨之即臨命終
時自然業不能係雖有中陰所向自由天上
人間隨意寄託若愛惡之念已泯即不受分
段之身自能易短為長易粗為妙若微細沉
注一切寂滅惟圓覺大智朗然獨存即隨緣
應現千百億身度有緣眾生名之為佛謹對
釋云馬鳴菩薩撮略百本大乘經宗旨以造大
乘起信論論中立宗說一切眾生心有覺義

不覺義覺中復有本覺義始覺義上所述者
雖約但照理觀心處言之而法義亦同彼論
謂

從初至與佛無殊是本覺也從但以無始下
是不覺也從若能悟此事是始覺也始覺中
復有頓悟漸修從此至亦無所去是頓悟
也從多生妄執下是漸修也漸修中從初發
心乃至成佛有三位自在從此至隨意寄託
者是受生自在也從若愛惡之念下是變易

自在從若微細流注下至究竟自在也

又從但可以空寂為自體至自然雲不能修

正是悟理之人朝暮行心修習止觀之要

也宗密先有八句之偈顯示此意曾於高

處誦之奉命解釋今謹注釋如後得云

作有義事是惺悟心義謂義理非謂仁義也

義意明凡所作為先詳利害須有所取當於

道理然後行之方免同悟醉顛狂之人也就

佛法中有三種義即可為之一資益色身之